



РУСКИ

НОВИНИ

ЗА РУСИНОХ У КРАЛЬОВИНИ С. Х. С.

РОК
III.Виходица раз у тижниу. Цена на цели рок
100 Дин. На $\frac{1}{2}$ рока 50 Дин.Властитељ: Руске Народне Просветн. Друштво
Одличателни редактор Дюра Павич.Нови Сад
петак 22. јануар 1926.Рукописи и други писма треба посылац на
адресу „Руски Новини“ Нови Сад, Војводићева
улица бр. 2. — Претплату на Руске-Народне
Просв. Друштво Руски Крстур (Бачка).ЧИСЛО
59.

Отворене слово гу Коцуцом

Ест людзох, котри баламуца. Лебо — людзе ше сами баламуца. Зло — вшеник зло. Ми и од скорей чули гласи, котри нас мали запрец на першим нашим крочао. Ми теди думали, же то роби Коцур, але зме ше спреведли, робели то Концурци, а и то лем дзе посдин, лем барз мала чисточка. Дакле лем даскељо людзох.

Була бешеда о язику. Ствар шицким позната и зато ю не треба повторјовац. Дзе би ми нешка були и цо би зме мали, да зме слухали тих даскељох? Спали близме, як цо то и до тераз було.

Теди ше бегало на коцкох и винитовало ше ситуацију. Нешка то не нужно. Нешка мame новини, през котри можеме бешедовац и глашици идеју, котра спасительна за шицких Русиних без згледу у котрим крају жију, а ище менеј у котрим валале.

Тоти наша новинки, кед приду гоч лем у двох числох до Коцура, и кед ше најду лем двоме свидоми Русини, од хижи до хижи прейду цали Коцуру и рознесу до каждого обисца нашо слово гу Коцуцом.

Гу Коцуцом не нужно бешедовац без рукавици. Можебуц, же ше и таких најдзе, котри би токо жадали. Але свидоми Русини то не жадају, аи не можу жадац. Зато и гуторим отворене слово гу Коцуцом.

Од скорей волали ми и у Керестуре як младша и најмладша генерација Коцуру руском Атеном, то значи најпросвищеним нашим местом. Отамац ми

обчековали якби якуш помоц и спасение нашему народу.

А мали зме зато и основу. У ери мадяризацији Коцуру бул једини, котри затримал и зачувал руски школи, а по при тим спрам велького, розрученога, старога Керестура, вон представил цошка нове, швиже ушорене и порядочне.

Но нешка ствар ше пременела. Мадяризација препадла. Керестур ше будзи и помладзуј, а Коцуру ше шире. И да тераз отамац приде разорение, откац мало присц спасение! Невозможно.

Найду ше людзе и не лем у Коцуру, котри буду нас сперац у нашим роботи за просвищоване нашег народа, за його пребудзене у газдовским и свидомим руским живоце. Але свидоми и просвищени наша Русини укажу им, кадзи их двага.

Так зробиа и нашо свидоми Русини у Коцуру. Кажди свидоми Русин у Коцуру будзе читац, захтевац и претпилацовач ше на нашо Руски Новини. И не будзе патриц на то, цо о њих бешедую даяки страньски людзе иштвирни и народносци лебо їх агенти. А будзе их кади свидоми Русин тримац зато, бо зна, же вони руски новини, його власни, котри давно и давно обчековал, и до котрих лем з вельким трудом дошол.

Страньски людзе можу нам сцец и жадац добре, але и ћда нам не можу жадац токо добре, яке ми сами себе жичиме. А Руски наша Новини то су

нашо уста, на котри ми бешедујеме, не за даскељох людзох, не за даскељо вали але за шицок наш руски у Југославије насељени народ. Вони розширију и чувају наш руски мацериински јазик.

Зато ми знаме и ошвечени зме, же Концурци з наими и за наими, як и цали наш на-

род. А од тих, ко Новини вратали и пишу же их пеџи (даскељо написали по серпски!), сигурно највеќаша часц у молги и нерозуменю то зробела. Но свидоми Русини у Коцуру буду мац и ту превагу, як и до тераз було. Робота Ваша свидоми Русини Концурци нај будзе плодоносна!

В.

У нашим отечеству

С. РАДИЧ У СУБОТИЦИ

В недзелю отримал С. Радич политички збор у Суботици у присуству 50 оружаних жандармох и 20 детективох. Як була недзеля и пияц пришло вельо швета да ведза токо чудо невидзене. Цо Радич по својим обичају нашим суботичаньом намервел, то би сигурно а нејден од слушатељох не могол повесц.

НОВИ ЗЛАТНИ ПЕНЕЖ

Министерия Финансийох дала правиц нови златни пенеџ у Француским државним заведенију за правећи пенеџкох. Пенеџ будзе мац слику Краља Александра. Наручено шицкого милион фалати, а треба да будзе готови до мешеца јула тога року.

ЗА УВРЕДУ ПАПИ ПРЕД СУД

Еден сликар у Београду намаљовал у новинох „Политика“ таку слику папи, котра барз увредљива. Постолник св. Оца захтевал од влади, да тот сликар будзе ставени на суд пре увреду. Државни тужитељ уж поднесол тужбу.

СТРАШНА БУРЯ У ЦАЛЕЈ ЖЕМИ

Прешлого тижња була у цалеј нашај држави стра-

ща буря. У Београду потаргала цалу телефонску и електричну мрежу, на местох звалела комини и однесла кров зос хижкох. На Дунају при Панчеву нагнали габи два ладе једну на другу, од котрих једна препадла.

ПОНОВНА ПРИЈАВА ИНВАЛИДОХ

По новим закону о инвалидох муша ше шицки инвалиди у времену од 3 месеци од вигласаного закона пријавиц својому српском (котарском) суду, котри им видава потврђене, (квиту) же ше пријавели. Тота квита ше веџка муши придац финансискай Управи зос другима документа, котри закон преписује. Кед так не поступа, теди не достају помоц.

ВОДА ЗОС ВИТРИОНОМ

При препатрењу студијох у Скопљу нашло ше, же главна варошкай студија ма у себе вельо витриону. Випумпали го и було го 300 литри. С початку думали людзе же, дахто нароком сцел загубиц воду, але кед и поновно нашли витриол у студији, випатра же пришол сам зос окolini, дзе ше муша находзиц скрити жрида витриону.

Аграрни обставини у дапоедних крайох

Шицки вопросы, котри ше являю у духовним и материальным животу земледілца содережания су аграрного вопроса. Так аграрна реформа значи решене аграрного вопроса т. е. вона ма задачу, да зос нешканинього друштвеного живота створи віден нови живот, котри бул одповедни друштвенному розвитку.

Ставме себе пред очи историйски періоди друштвеней еволюції, так ми найдземе у земледільским животу не шмерц, але прави живот; не мир, но вичну борбу.

Земледілец бул скорей раб своєго пана, позбійше раб на своїй жемочки а нешка є шлебодни „пролетар“.

Нешка шлебодни земледілци предаваю свою роботу за даскельо динарки т. е. робя на надіїци, обрабяю жем, котру нац не може сам обробиц.

У Енглескій „лорди“, вельки богаче жилю лем зос аренди (ренти). Ту маме велью жеми у єдній руки, а прави роботніци осталі без нічого. Мудерци того велького народа осудзували то и писали так: „Кажди чловек ма шлебоду робиц, цо сце, але зос тим не шиме повредзиц єднаке право дакому другому, Вельки богаче повреджу і не лем шлебоду, але и сам живот тих, котри гу жеми дойсц не можу.“

У Енглескій аграрну реформу привесць до живота думаю зос тим, да зос вельку порцию вежню од лордох їх ренту. Так закон од 1910 р. вируцел на іх порцию, котра виношела 2%, на чисту вредносц жеми и 20%, на незаслужену вирост вредносци.

Но іх борба за реформу и до нешка лем барс малко успіха принесла.

У Немецкій жем не вишадзи веднік подзелена. У дапоедних крайох ест велью вельки добра, док у других споменуты ледво дійствую. Так од шицкій жеми єдній країні у Шлезії

33%, у Померн 51% в свойна вельких богачох.

Же аграрни прилики и у Немецкій нездрави, то нам указує и число жительства. Н. пр. од 1871 р. од 26,22 число жительськох по валалох до р. 1910 зменьшало ше на 25,90 милиони, у истим времені вено у варошох од 14,19 виросло на 39 милиони.

З другей страни земледілци, котри були кус маєти, барс ше задлужели. Так лем у самей Прускій іх длуство виношело 1887 р. 88,034,000 а 1913 р. 787,140,000 златни марки.

Немци у нешканинь времені видза, же „свойну спасц може лем свойна, котра обвязана на велью страни“. И вони то у своїм новим законодавству отварюю с кроюча на кроючай

У Русії зос опшебодзеньем земледільства од 19. фебр. 1861 р. наступел и нови аграрни вопрос.

Свойна на тей жеми т. е. приватно-правна власт на ней, пріпадла валалу и наша браца там на сиверу волаю то „Мир“.

Валал тоту „валалску жем“ роздзельовал дас у кождым штвартим року медзи своім жительством и то по дуні, лебо на даяки други способ.

Котри добил таку жем, воню обробидал, хасновал, як сам сцел, но бул вязані у телью, же ю не могол предац, ай на ю длуства правиц. Руски оцец так не мал ше старац, же його дзеци не дойду до жеми и руске жительство од 1871 р. од 78 наможело ше спокойно до 1914 на 170 милиони.

При таким множеню „мир“ не могол випольніц свою задачу, бо число його десятінох, место да росло, препадало цо вецей руски министер, Століппин, шпол затим, да мир будзе жертва царской политики против комунистох. Але руска судьба сцела інъшак и у революції 1917 р. идея „мира“ славела свою победу.

Г.

Дин.) За 15—20 фр. (30—40 Дин.) достане се полу-дзенок, як ше у нас гутори „паньски“. Пар кра-сних ципелох 50—70 (100—150 Дин.) а шматка першай класи 300—500 фр. (600—1000 Дин.) Ми да-клем жиєме у страховитея драготні.

Чехословакия

ДЕРЖАВНЕ ДЛУСТВО

Директор т. зв. Живностенской банки, єдней од наймоцнейших ческих бан-кох отримал тих дньох преподавание о державних длу-ствох, у котрим винес, же Чехословакия дужна суму од 34 милияди ческих крунох.

Італія

ЧИСЛО ПАЛОМНИКОХ ПРЕ-ШЛОГО РОКУ

Прешлого року нащивели Рим 356.710 паломникох. Од того припада на Італію 212 тисячи. Од

других націох найвецей було Немцох 39 870, Шпа-ньюльцох 12.792, Францу-зох 11.590, Енглезох 6287, Югословія 5464.

Зос Швайцарской 5.325, Мадярской 4782, Ческай 3854, Польской 3207. Румунії 830. Зос Америки 5286, Азії 831, Африки 527, Австралиї 300. Ту лем назначени паломници, цо пришли приватно и поєдни рахує ше, же их число исто таке велике.

Америка

ЗАШ КРИВИ ПЕНІЖ

Американски новини приношую висти, же ше и там появели криви долларски пеніж а так исто власели и швайцарски криви банки по 1000 франки. Американски банки захтеваю од мадярской влади, да виглада, чи тот пеніж не походзи од истих фальзификаторах, од котрих и француски.

УПИСОВАНЕ ДО ВИБОРНИХ СПИСОХ

По постоюющих наредбох о виберанкох народных по-сланикох у Кральовини С. Х. С. водза ше у кождей општини пописи тих, хтори маю право гласа за вибе-ранки так, же ше у тих пописох виправляю пре-менки, хтори настали прешлого року и то виписую ше тоти, цо ше зос места одселіли, тоти цо прешлого року умарли и тоти цо були по векшим суду карани за даяки злодійства, а уписую ше тоти, цо на-вершили 21 рок, односно тоти, цо катонаство вислу-жели, надалей тоти, цо ше до места пред шейсці меша-ци и вецей приселіли и тоти, хторим по закону време кари прешло.

По трицец дневним вило-женю и обавленіх премен-кох посилаю ше пременки надлежному судбеном сто-лу на одобрене.

С. Лендлер

Широм швіта

Русия

УЧАСТ У РОБОТИ ЛІГИ НАРОДОХ

Нешкайша комунистична руска влада виявела, же будзе участвовац у роботи Союза Народох. На засиданіе, котре ше отрима у Штрасбургу (Елсас) пошле своїх заступникох и на дру-ги засидання, котри ше не буду отримовац у Швай-царії. Большевики бойко-тую Швайцарію од кеди швайцарски суди ви-шлебодзели убийцу большев. посланика Воровського.

ГОНЕНІЕ ЦЕРКВІ

По найновших вистох по-чали большевики проганяц шицких владикох и свяще-никох, котри не сцели пре-

ступиц до „Живей Церкви“ т. е. до тей котру вони осноvali. До цемніци руцено до тераз 80 священикох и 5 епископох. Медзи вой-ску и вирним народом при-шло до борбох, у котрих велі пострадали и ранети.

Француска ЖИВОТ У ПАРИЗУ

Да ше видзи у якей вель-кей драготні ми у нашей держави жиєме а як туні живот у Парижу най нам послужи слідуюче: Єдна хижка за преноцоване ко-шта 12—15 фр. (25—35 Дин.). У найфиншим хотелу 50 фр. (100 Дин.) Єднак так туні и єдзене. Барс добри полу-дзенок достане ше за 5—7 фр. (12—16

ЗОС НАШИХ ВАЛАЛОХ

РУСКИ КЕРЕСТУР

ТЕАТРАЛЬНЕ ПРЕДСТАВЛЕНІ

На други и треци дзен Крачунам умара на 10. януару було даване шо керестур-ских легіньюх и дзивкох под водством п. учительки М. Манойловай представлена Шевченкового „Назара Тодолі“ у гостилини Миколи Папуга. Пред „Назаром Тодольом“ давал ше и єден мали фалат у єдним акту.

Представлене виучела легі-ньюх и дзивкох пок. учителька

І. Чизмарова, котра пред са-мим Крачуном умара з наглу шмерц и так не могла зос своїм дружтвом на представле-ні виступиц.

Представлене мало прилични успіхі. События, о котрим ше бешедуб у драми, трафя ше у України, а главна му черта у тим, як оцец сце на силу одац дзивку за богатого „полковни-ка“, а не сце ю дац за красно-го, худобного, але ёй милого питача. Ствар, котра віше нова, занимліва и потресна. Особито бул красни призор, кед пол-ковникову питаче пришли до

богатого оца, котри их дочекує зос вельку параду, а дочекує их и радосцу и дзивка, бо вона не зна, же то полковниково людзе, але дума, же су послані од ей любимого пітача.

Свою ролю особито крашне бавела служніца у богатого оца, а добре бавели свою ролю полковник и дідо у призору у карчми, а прилично бавела и дзивка, пітач и други.

Од дилетантох, що представляли вешина уж и скорей представляли, голем од тих, що мали главни ролі.

Мена дилетантам не можем виволац уж прето, же их и не знам точно. Ту треба спомніц за приправительюх представленьюх, котри ще буду давац на представленів во будуще, да ще у першим шоре остараю, да ще до веци фалати друкую програму за представленів, бо ще в тим интерес за представленів барз дзвига. Зос програму дораз видно и кеди ще будзе давац представленье и хто будзе бавиц и хто учи и хто приредзуе и на яки циль ідзе чисти добиток, а кед ще то шицко зна, людзе ще баржей интересую за ствар и здзечнейше иду на представленів.

Не требало би сановац ані плакати штампац и тідзень претком зос німа обівиц представление, яке ще будзе давац и кельораз, а исто так обівиц го и у наших новицох.

Треба то шицко напредок обавиц и розгланиц, а же случайню придея даяк препятствие, представленье ще преложи, лебо гоч ще и не отрима од того нет нікому ніякай чкоди. А не да ту уж дзень представления, а людзе не знаю, чи будзе, чи не.

При представленію треба публіку (госцох) дисциплінирац и приучовац шору. На карсцељ треба привязац нумери, а цидули нумерирац, не видавац карты веци як спада. Понеже на першим представленію найвекша цеснота, най ще теди приправи велью шедзац и нумерирані места, а мало стоящи. Наї ще не пулци до салитих що стоя так велью да буде сцинтути. За дзецах що стоя наї будзе окремне место з котрого годині представленів видзіц и т. д.

Геатральна представленье барз важна ствар у народним про свіщованію, зато сом даскељо слова спомніл, котрим циль, представлэння олбгчац, призвігнуц и унапредзиц.

Представленіе котре даване у Р. Керестуре, учела пок. учителька И Чизмар зос вельким одушевленем и трудолюбством. Вона ще и од скорей интересовала за представленія и указовала у свой роботи похвалы успіхи. Гваря, же при тераціім учению предчувствовала немилосердну шмерц и же жадала, да ще з чистим добитком оснуне фундація за потпомагане широтох, або за другу добру циль. За ей роботу остане ей вични спомен у народзе. В.

Дюрдьов

При окончанію старого року як и на початку нового року одбуло ще торжествене пошвеченіе найсв. Серцу Христовому.

На 1 даен Крачана назбераю у церкви на Р.Н.П.Д. 315 д.

Водосватие окончело ще при красній хвілі зос процесію у ч. п. Габора Сабова. Множество народа брало участ.

Статистика з року 1925. У прешлим року було родзених 97, винч. 13 и 45 умартих.

Р. Керестур

Статистика: Прешлого року було 216 родзених, 56 пари винчаних и 86 умартих.

Петровци

Іще пред крачуном ще у нас основал шпивацки хор под водством правника п. Мілутіна Фіриса, чийом бригом дружтво так унапредовало, же уж на крачун (1, и 2 дзень) шпивало у церкви. У хору су шицко млади людзе и правилюбителі писньох.

Істи людзе думаю и давній недзелі скотовиц у валале представу. Работа ім ідзе од рук, а людзе очекую радосно тот дзень, да дацо доброго учую, увидза и т. д. Лэм шмелю напредок!

17. I. 1926. ще трафело вельке іншесце. Млади шумар Душан бул у карчми. Ту обачел же Його жена Любіци ідзе другим боком дзешка. Вон ю звалол гу себе, а як то вона такой не зробела, вжал пушку и двараз до неї штрелю. У креві ю однесли до першай хижки, да єй поможку, а Його власні. Ілачуци ще кас за своё діло. Ето що зробел алкохол?

17. I. 1926. ще окончели избори за церкории одбор. Сами избори преішли у красним шоре, а тирвали од 2 до 5 годзин.

Миклушевци

До Дюри ще Сивча зишли його синове и жецове, да преславя Нови рок. Пришол ту познайші и редар Нікола Міхайлович. Слово, два и шор мушел правиц син Мітро. Редар бул набити, а госци, хто ри кадзи.

Ствар такой явена опітнини. У пол ноци почал уредовац начальнік (биров) Янко Сабадуш (по руски Сабадаш). Послал двух редарох по Мітра Сивча, хто бул уж у посцелі Да не приде до веци зла, станул Мітро и пошол зос редарами, гоч знал, же не муши исц.

Цо думал то ще и трафело.

У драже го дочекали, редаре го не бранели, у опітнини го биров набил а нови редаре го привитали зос словами: "Да щи не пришол, кончина би ци була у твоїм обисцу!"

Ствар приявена суду.

Не дай Боже, да цали рок таки будзе, як ще започал!

Бачинци

Являме жалосну вистку шицкей родзини и приятельюм, же нам нашими супруг и оец Онуфрій Венчельовский у 27. року 15. I. благо у Господу умар.

У Бачинцох, 18. I. 1926.

Покой му вични. Вичная му памят!

Ана р. Гардій, супруга и Макрена, дзивочка.

Зос Р. Н. П. Д.

За членох Р.Н.П.Д. приступели слідуючи чесни п. п. Даница Лабош, учителька зос Миклушевцох до І. класи у уплацела суму 500 Дин.

Зос Р. Керестура: Янко, Карло и Ана Арт як рочни члени.

Зос Миклушевцох: Мих. Сабадаш за члена ІІ. класи.

Зос Андріяшевцох: Симеон Будински, Юла Джу-

джар, Штефан Пап, Михал Сабадаш, Габор Паппетранін, Грицо Сивч, Яким Рац, Дионіс Фа, як члени рочни.

Зос Дюрдьова: П. Драген Колесар за члена ІІ. класи.

У тот красни приклад най ще упатра и други нашо браца по валалох. Хто на Просвіту дава, себе дава и вични спомен зохаби у своїм руским народу!

ДОПИС

† Владимир Лабош

Дня 30. XII. 1925. року умар наш 40 рочни паноцец о. Владімір Лабош.

Родзен 10. XI. 1857. року у Врлиці у Далмациї. По звершенні гімназії и богословії у Загребу, бул пошвецени за паноца у Крижевцох од владики Дюри Смичкласа. Першу св. службу служел на св. Йоана по Богоявленню 1881 року и од теди бул капелан у Керестуре при своіому оцові до 19. IV. 1883. року, кед бул іменовані за управителя у Миклушевцох по покойним паноцю Осифу Валковским. Року 1916. постал деканом.

Як паноцец, жил покойни скромно и узорно, а зробел за свою парохию барз велью, бо ю так ушорел, же до війни не було лепшої ушореншої парохії од Миклушевцох. Мал добрих вирникох, нову и красну церкву и згодну парохию.

У фамильярним живоце бул узорни оцец, бо отховал красне число узорних дзецох на ради и потіху не лем себе, але и рускому народу.

Як чоловек помагал кожду добру и вредну ствар, а и мого, бо бул чуварни. Іще за живота дал вон од своіого маєтку гр. кат. семенарії 4.000 Дин., широтиньцу у Шиду 3.000 Дин., Друшту св. Йосафата и на други добри страни, а по при тим захобел и своїм дзецом скромни маєток.

Як родолюб бул добри Русин, любел свой руски народ и свой отечество, а Рускому Нар. Просв. Друшту дал 5.000 Дин.

После 40 роки своїго служения у Миклушевцох лега до гроба на сам нови рок 1926. Погреб бул прекрасни, а таки и заслужен. Церква миклушевска, при будові хто бул — можем повесц — главни учасник, не мала у себе таке число вирникох ані на найвекши торжства, як того дня на св.

Службей Божей и на погребу, хто ще у церкви окончовал, Випровадзел го, хто лем могол. Були ту заступани шицки руски валали, а од сушедских Томпевчане у найвекшим числу зоз своїм паноцом. Од наших паноцох були шицки зоз Сриму крем о. Латковича зос Беркасова, хлори бул службено запречени.

Отпитоване тримал о. декан Петранович. — Не було ока, на хторим ще сліза не бліскотала за чловеком, за паноцом, зос хторим нас вяжу найкращи успомени на вирски и фамильярни живот; за чловеком чејлічного карактеру, хто приберали: понізносц, одлучносц, терпезлівосц, точносц, родолюбие и други чесноти. Давал кождому красни приклад, зато, глас о Його шмерци рушел и потресол кождого вирника, гоч ще опіце анало, же бул з єдну ногу у гробу од лета, од кеди зос хижки право не виходзел пре свой — чешке дихане.

Церква, парохия и вельке число вирникох на Його погребу шветкове су Його дівствовання у Миклушевцох. А церковни одбор? на глас о шмерци своєго старого паноца става на услугу ожалосцем Його дзецом и бере на себе шицку бригу, да погреб будзе цо достойніши, а жалосни госци цо лепше вислужени. Купує одбор красни венец зос словами на нантліки: „Свойому паноцови миклушевски парохияне.“ Як прави вирники унесую вони тот венец корпоративно на оддер и клечачи ще модля за своїм паноцом. Похваліц ще муши, же ще одбор шоровал при чуваню покойного през цаце време лежаня на одру, а ище баржей то, же наа берал медаи собу на св. служби за своєго паноца.

С твоїм вирниками, хто це так крашне випровадзели до вичного покою, кликуєм ци и я: „Вичная памят!“

Яким Костелник, учитель.

Шветочни отпочивок

Евангелие по просвищенню

Во время оно слышавъ Иисусъ, яко Йоаннъ преданъ бысть, отиде въ Галілею. И оставилъ Назаретъ, пришедъ вселися въ Капернаумъ въ поморіе, въ пре-

дѣлѣхъ Завулонихъ и Невоалімліхъ. Да сбудется реченое Исаїемъ пророкъ, глаголющімъ: Земля Завулоня, и Земля Невоалімля, путь моря, объ онъ поль Йордана, Галілея языкъ, людіє съ-

дящи и во тъмъ видѣша свѣтъ велій, и съдящимъ въ странѣ и съніи смертнѣи, свѣтъ возсїя имъ. Отоль начать Иисусъ проповѣдати, и глаголати: покайтесь, приближися бо царство небесное.

„ЛЮДИЕ СИДЯЩИ ВО ТМИ, ВИДІША СВІТ ВЕЛИЙ.“

Тото вельке ивѣтло, чо розвицело цали ишвет, то Слунко Правди Христос Бог наш. Вон не лем же розвицел души нашо зос свитлом правди, але и розограл души на любов божию. Од нього чече живот за души нашо. Но слунко боже лем теди розгрива душни, кед ше гу ньому обрациме. Кед ше скриеме од слунка до жеми, теди нас не може грац. Гу ньому ше мушиме обраци, гу ньому ше приблѣжиц и теди будземе жиц. Ми ше мушиме преображенци у швѣтлу Слунка божого. Ми ше мушиме подобни буц гу Христу, кед сцеме посцигнуц спасене, чо го нам принес Иисус. По першим Адаму зме постали шицки гришни, по другим Адаму Иисусу Христу, мame постак шицки праведни.

А ЯК ТО МОЖЕ БУЦ?

Ми мушиме перше Иисусу вериц шицко, чо нам обявел „ВИРУЯЙ ВО МНЯ, ИМАТ ЖИВОТ ВИЧНИ, А ИЖЕ НЕ ВИРУЄТ ВО СИНА, НЕ УЗРИТ ЖИВОТА, НО ГНІВ БОЖИ ПРЕБИВАЕТ НА НЕМУ“. Іоан, 3. 36.) Понеже Иисус шицок за клад свой вири придѣл свой Церкви, то мушиме шицко вериц твардо, непоколебимо и живо чо нас Церква Його научуе. Модерни, погански швет не сце вериц, чо Церква учи, але ше вигваря на вишлѣяки способ. Но дармо шицко, Бог свой повед по Иисусу, чо нам мал повесц. Не мame ше да клем прецо отцаговац од вири християнскей. Надалбай, кед сцемо буц учащнїци Христового откупленїя, мушиме твориц и добри дїла. „АЩЦЕ ХОСЦЕШИ СПАСЕН БИТИ, СОБЛОДИ ЗАПОВИДИ“ (гварел Христос.) (Нафт. 19. 16.) Маме тримац заповиди, чо их нам Бог дал. То су 10 божки, и 5 церковних, бо Христос при-

дал свою власц Церкви. „ЯЖЕ СВЯЖЕШИ НА ЗЕМЛІ БУДЕТ СВЯЗАНО И НА НЕБЕСИХ“. Не може ше даклем волац чесним и праведним чловеком пред Богом, хто не виполнює длужносци спрам Бога и Його Заступницци, Церкви.

Треце напокон за вичне спасение потребна нам ё ласка божа. „АЗ ЁСМ ЛОЗА, ВИ ЖЕ РОЖДИЕ“. Без божией помоци не можеме нїч доброго зробиц за спасене души.

Божу помоц дава нам Господь по седем св. тайнох, и по молитви. „ПРОСИТЕ И ДАСТСЯ ВАМ, ИЩИТЕ И ОБРЯЩЕТЕ“.

То су даклем тоти три условия, по котрима можеме постак подобни гу Христу Правди, и так на вики спасени буц. М. Мудри.

Тарговина

Жито 290 дин.
Кукурица 167 дин.
Ярец 150 дин.
Мука 0.5 дин.
Хлебова мука 350 дин.
Отруба 150 дин.
Овес 185 дин.
Маст 21 дин.
Швинї 10—13 дин.
Баранчата 11—13. дин.
Риби 25—35 дин.
Риби дробни 15—24 дин.
Гуски клокани 17—20 дин.
Гуски худи пар 100—150 дин.
Гуски млади пар — дин.
Качки пар 50—60 дин.
Пульки пар 85—100 дин.
Курчата пар 35—45 дин.
Вайцо 2— дин.
Мухар щено 0.60—0.70 дин.
Слама. 0.50 дин.

Берза

Найновши курс цудзей валуты при нас:
Долар 56.40 динари.
Немецка марка 13.30.
Австрійски шилинг 10
100 франц. франкох 207 динари
100 талиянских лирох 227.
100 швайц. франкох 1081 дин.
100 румунски леї 27.50 дин.
100 бугарских леви 40 динари.
100 чехословачких кр. 166 дин
Ёден милион мадъ. кр. 788 дин

НА ЗНАКЕ

п. п. Управителем Школох.

Нашо Букварки за першу класу основних школох, одобрени по Министерїї Просвіти, можу ше тераз уж до стац при Рус. Нар. Просв. Дружту у Руским Керестуре за цену по 10 Дин.

Важне! Да прочита کажди!

МОЇМ КУПЦОМ дам за дармо **45 предмети** на лутрию.

КАЖДИ КУПЕЦ

хтори голем за 250 динари, за готови пенежи пазари, добиє єдну нумеру зос котру на лутрию за дармо участвуе.

На лутрию ше даю слїдуючи предмети:

Штоф на 3 женски шмати
Штоф на 3 хлопски шмати
Штоф на 1 хлопски уяш.
На 2 хлопски кошулячи
На 10 хлопски кошули
На 10 женски блузни
3 гатласки хусточки
3 плишово хусточки
10 менши предмети.

Лутрия ше отрима того року на вельку ноц на други дзень. Але кед предвидзени числа за лутрию скорей прейду, скорей ше отрима и лутрия.

Лутрия ше будзе отримовац пред двома поверениками, хторих выберу властител лутрийових числох.

С поштованем

САМУИЛ ВАЙС
тарговац МАНУФАКТУРНЕЙ РОБИ
У РУСКИМ КЕРЕСТУРЕ.

ХАЛО!

КАЛУШЕВИЧ И МИЛОВАНЧЕВ
ФАБРИКА ЦЕГЛОХ И ЧЕРЕПУ — СТАРИ ВРБАС
Телефон 26.

ХАЛО!

ПРОИЗВОДЖУЕ НАЙЛЕПШИ, НАЙМОЦНІЙШИ И НАЙКРАШИ СТВАРИ зос цегли.

Першокласну цеглу и череп. Цегли за комин, за шведски пеци, вшеляяку цеглу и череп за патосованї гонгох и вельо инших сортых. лиферує на ладї и вагонами,

Совисне и точне послужене.

Тунї цени.

